



Diario



pa Aruba



Instala Airecon-
dicionado na bo
cas AWOR!



Tel. 2170

ANJA 22

DIAHUEBS 1 DI JUNI 1961

Nr. 4049

Morto di Rafael Trujillo oficialmente publica

Situacion na Rep. Dominicana ta hopi tendido

SAN JUAN DE PUERTO RICO, 1 di juni — Radio emisora di Republica Dominicana a anuncia oficialmente morto di generafismo dr. Rafael Leonidas Trujillo Molina. Ciudad Trujillo a participa cu e situacion na Republica Dominicana ta hopi tendido. Na diferente puntonan estrategico tin guardianan fuerte militar. E comunicacion tele-

fonica entre New York y Ciudad Trujillo ta interrumpi. Segun un telegram oficial cu a ser manda pa State Department na Washington, e gobierno di Republica Dominicana, bao di president Joaquin Balaguer, ta domina e situacion. Actualmente ta Joaquin Balaguer ta presidente di Republica Dominicana.

Den un comunicado oficial, transmiti pa radio di Republica Dominicana na nomber di presidente Balaguer, parce cu for di diamars caba e expresidente a muri a consecuencia di un asalto contra su bida. E comunicado aki a ser transmiti diarazon atardi laat.

Generalissimo Trujillo, ex-presidente di Republica Dominicana, a ser asesina. Esaki e agencia Frances di noticia „AFP“ ta anuncia. E agencia a haya e noticia for di circulan hopi yega na presidente Kennedy, quende magera ta conoci actualmente ta na Paris.

E president Mericano a ser pone na altura dje suceso, door di su minister di asuntonan exterior, Dean Rusk.

E portavoz di Casa Blanca, cu ta compania e president riba su viaje, a bisa cu Kennedy a pidi Rusk pa queda Washington y sigui desarrollo di e asunto. Pa e motibu ey Rusk no ta bai Paris mas diahuebs (awe) unda e

mester a entrevista cu e canceller Frances Couve de Murville.

Siete Dominicano, entre cual dos yiu di generalissimo Trujillo a charer un avion Boeing di Air France pa nan yega Ciudad Trujillo binti cuater ora mas prome cu tabata nan intencion.

E charter di e avion a costa 28.000 dollar. E avica a sali awe tardi for di Paris. E vuelo normal for di Paris pa

Santo Domingo a ser suspende pa un dia.

31 anja largo

Trinta y un anja largo Rafael Leonidas Trujillo, „Benefactor de la Patria“, a domina Republica Dominicana. Segun observadornan politico e asesinato di Trujillo por tin como consecuencia repercusionnan serio no solamente te den interior di su pais sino pa enter e territorio di Caribe.

Pesci di e hecho cu for di 1952 Trujillo no ta ocupa un puesto oficial, eu no ta esun di embahador na Nacionnan Uni, toch e tabatin tur poder den su man.

E tabata ser apoya pa un guardia pretoriano di cinco mil homber. Su miembronan tabata circula continuamente den e capital den autonan mericano grandi cu tabatin radio y emisora.

Den e distritonan for di ciudad un ejercito di 25.000 homber tabata mantene orden. E tabatin un servicio di informacion cu tabata funciona extremadamente eficaz y cu tabata traha tambe den e stranheria.

Na juni 1960 un atentado di cual el a tuma e responsabilidad riba dje



— Rafael L. Trujillo M. —

tabatin consecucionnan seria pa republica Dominicana.

E atentado a ser prepara na Caracas contra bida di e actual president di Venezuela, Romulo Betancourt. Sancionnan cu a resulta hasta den quibramentu di relacionnan cu e organizacion di Estados Americano.

Su carrera

Na januari 1960 nan a descubri un atentado di asesinato contra Trujillo. Esaki a causa cu 2.000 persona a ser prisiona. Pa via di e protestanan di e episcopado Dominicano, e regimen a lanza un violenta ofensiva contra iglesia y a pidi retiro di e nuncio apostolico.

Trujillo a nace na anja 1891 den un familia di diesun yiu. Su tata tabata brievebesteller y e mes, a cuminza como telegrafista. Despues di a bira veldwachter el a drenta servicio di marina mericano y na 1919 el a drenta den servicio di polis di su pais. Eynan el a subi y na 1928 el a bira general. Dos anja despues el a participa den un golpe di estado dirigi pa un politico, Estrella Ureña. Na anja 1930 despues di un campania electoral den cual segun un consul Norteamericano el a hanja mas voto cu tabatin votador. Trujillo a bira president di Santo Domingo. Mes ora el a cuminza cu su represalia sangrienta contra su enemigonan.

Despues di a retira di su puesto, hopi teoricamente, na anja 1938 el a bolbe ocupa di 1947 te 1952.

Bandera halfstok na cervceria Antillana

WILLEMSTAD. 31 mei. — Na e cervceria Antillana bandera ta colgando halfstok en coneccion cu fallecimiento di Jhr. Six van Hillegom. Six van Hillegom tabata director di Anstel Brouwerij N.V. y el a bini Corsou na aña 1957 pa delibera tocante establecimiento di e actual cervceria Antillana. El a muri den e desgracia di auto.

Un mucha di tres anja a cai den pos

FRANKFORT. 31 mei. — Un mucha homber di tres anja, Wolfgang Muth, cu na Frankfort a cai den un poz di seis meter hundo y trinta centimeter hanchu a ser salba despues di diez ora. Banda di e poz, nan a coba un buracu grandi di cinco meter hundo y for di eynan nan a logra yega cerca e mucha.

Un multitud di mas o menos dos mil hende a sigui e lucha di e homberonan y soldadnan pa libera e mucha.

E mama di e yiu a trata en vano pa biza e mucha na laria cu un cabuya.

FUTBOL

FUTBOL

FUTBOL

ARUBA VOETBAL BOND

ta presenta

den WILHELMINA STADION

AWENOCHI, 1 DI JUNI PA 7.30

ESTUDIANTES vs. S.C.A.
(A-klasse)


ENTRADA Fl. 0.50

DOS MUCHA CU UN KAARCHI

FUTBOL

FUTBOL

FUTBOL



UN HOBOENCITO DI TRES ANJA SALBA FOI DEN UN POS — Dia Razon a tuma luga den becindario di e ciudad aleman na Main un accion di salvacion na gran escala, despues cu Wolfgang Muth, yiu di Konrad Muth, e manehador di tram di 44 anja cu durante wega a cai den un pos di seis meter hundo i practicamente e tabata tapa den dje. Mas cu 2000 hende tabata sigui cu interes trabao di poliz, brandweer i genie di exercito mericano pa salba e criatura, loque a logra porfin den marduga grandi di Dia Huebes. Un dje salvadornan ta sali cu e mucha cu a queda continuamente na su tino den e profundidad sofocante dje pos. E tension ansioso a pasa.

KAN INC.



PRIMERA

SANTA COMUNION:

UN DIA INOLVIDABLE



Cojar di plata	for di 1.25
Cojar di oro	4.50
Cruz di plata	2.—
Cruz di oro	4.—
Medajon di plata	1.—
Medajon di oro	3.50
Rosario	1.25
Holoshi di man	7.90
Renchi di oreo di plata	2.—
Renchi di oreo di doublé	3.50
Renchi di dede di plata	1.—
Renchi di dede di oro	5.—
Borstspeld	1.50
Mancornia	4.50
Set di cuchara y forki	4.25
Klem pa dashi	3.40
Beker	den tur prijs
Pulsera cu number graba	den tur prijs
Cuchara special pa dia di comunion	1.60

TEL. 1193
NASSAUSTRAT 47
ORANJESTAD

COMEDIA „VENENO SABROSO“ NA LUNA DI JULI

ORANJESTAD — Un grupo di comediantes Arubano, funda den luna di april, ya caba ta entrenando cu alma y cuerpo riba e comedia „Veneno Sabroso“, cu nan ta pensa na presenta den segunda mitad di luna di juli.

E comedia aki eu tambe ta ser jama „Esta sabroso el a sniaak“ ta un traducion na Papiamentu di Nena Vrolijk y Dominico Tromp for di e original na Hulandes „Arsenicium en Oude Kant“.

Dos bez pa siman e grupo aki ta reuni pa entrena den Centro Cultural hau direccion di Joeki Broedelet, e directora di excena for di Hulanda cu a ser manda Antillas pa Sicilia.

Joeki Broedelet ta un artista masha conoci na Hulanda y for di principio di luna di mei el a cuminza prepara e 14 hungadornan di e comedia aki.

„Veneno Sabroso“ ta un comedia alegre den cual e papel principal ta dirigi riba dos bieuw jama Brouw y nan dos sobrinonan Sjon Do y Martin. Kendan pasatiempo ta venena e hendenan bieuw y esnan solitario cu bishita nan cas. Nan mes ta considera nan actitud como un obra di caridad.

No ta necesario bai mas leuw den comento riba e comedia va cu e organizadornan ta pensa na presente dos biah den Centro Cultural y talvez na o ro lugarnan tambe.

E diezcuater hungadornan den „Ve-

veno Sabroso“ ta: Nena Vrolijk, Cartrientje Geerman, Judith Peterson, Oslin Boekhoudt, Ronie Toppenberg, Eli Schaarbui, Martin Tromp, Rafael Tromp, Remigio Mathilda, Mimos Pietersz, Pepe Fradl, Ciso Maris, Orlando Ferrol y Dominico Tromp. Tur e hungadornan aki ta forma parti di e grupo di comedia cu a worde funda hau auspicio di C.C.A.

DELEGACION DI KAMER-COMMISSIE LO BISHITA ANTILLAS

(Di nos corra na Corsow)

WILLEMSTAD — E comision filio for di Tweede Kamer pa e relacionnan cu Surinam y Antillas, Hulandes, a acepta e invitacion di Staten di Antillas Hulandes pa manda un delegacion pa Antillas Hulandes pa tin bishita na e varios proyectonan di desarrollo. Esaki a ser anuncia dialuna atardi na Willemstad.

Manera ta conoci Staten a dizi di haci e invitacion aki durante di e tramonto di begroting na december anja pasa.

E delegacion lo consisti di mr. C. Berkhouwer, presidente di e comision filio, dr. W. J. P. M. de Kort, dr. J. Meulink y dr. G. M. Nederhorst. Mr. A. E. Scheepel, griffier di Tweede Kamer lo compania e delegacion.

E delegacion ta bini den segunda parti di juli y lo keda mas o menos dos siman na Antillas Hulandes.



Su mes amigonan

ORANJESTAD — Diarazon marduga pa cinco y cuater un tal J. B. a informa na warda principal cu dos persona a cose su auto sin permiso. E mesun anochi ey pa mas o menos 3 or di marduga el a bai corce un poco den su auto huntu cu dos otro tercio. E.K. y P.F. Riba boulevard B. mester a bandona su auto un rato y mirando e oportunidad aki e dos otro nan en a keda atras a corce bai eu e auto.

FATUM — Tel.: 1845
pa tur bo aseguranan

Choke

SAN NICOLAS — Un cheke a tuma lugar diamars anochi den B. v.d. V. Zeppenfeldstraat entre autonan A-1645 y A-774 maneha respectivamente pa W.G. y J.J.

Sur-Africa a ser proclama republica

JOHANNESBURG, 31 mei — Ayera na vispera di proclamacion di proclamacion di e republica, menos trahador Africano a duna oido na e yamada pa huelga, solamente na Johannesburg mitar di e trahadornan Africano a queda cas. Corantnan di Sur-Africa y industrialnan ta muestra riba e siguiente motibunan como fracaso di e huelga. E Africano nan tabatin miedo cu nan lo perde nan trabao, manera a pasa cu hopi di nan anja pasa.

E mobilisacion di polis y e atencionnan na gran escala. Falta di interes asina cu e Africano nan a mira cu e accion ta bira un fracaso.

Sur Africa, despues di Irlanda y Birmania, ta e di tres pais cu ta bandona e mancomunidad Britanica. Durante 155 anja e tabatin relacionnan estrecha cu corona Ingles ya Mariscal Smuts tabatin un di e fundadornan di e mancomunidad.

Durante e ultimo simanman e spitomanan di e lasonan cu Monarquía Ingles a desaparece poco poco. Number y titulacion a ser cambia, regimentnan a hanta otro color y portretman di miembronan di casa real di Inglaterra a ser quita for di den edificionan parlamentaria na Kaapstad.

Pa algu mas cu mitar di e poblacion blanqui awa ta un dia di victoria, e punto culminante di un lucha largu pa un republica independiente.

E actitud di e Africano nan di habla Ingles ta varia di discrecion te sentimentunan marga, mientras cu mayor parti di e diestres milyon Africano nan ta demostra relativamente poco interes.

Tiran di e cajan i zuido di kloknan a saluda Sur-Africa como republica

Un minutu despues di mei anochi binti tira di cajan a resona y kloknan di misa a cuminsa bati, ora cu Sur-Africa a bira un republica, e unica republica na Africa cu un gobierno di hende blanqui. Despues 155 sur-Africa a kibra su lasonan cu corona Britanico. Den diferente misa Africano tabatin servicionnan especial. Polisnan a tuma medidanan extenso di precaucion pa preveni tur incidentenan. Pretoria cu sesenta anja pasa tabata capital di república Transvaal, awor ta e capital administrativo di sur-Africa. Despues di su instalacion oficial como prome presidente di e republica di sur-Africa president Swart a tene un discurso na radio den cual el a bisa entre otro cu pa sur-Africa a preveni un oportunidat nobo, un oportunidat grandi pa haci un bon principio.

E principio nobo aki ta haci un actitud spiritual nobo necesario, cual mes-

ter ta basa riba harmonia, un inclinacion harmoniosa entre e diferente gruponan, harmonia den curazon y espíritu.

Riba e fundeshi aki mester construi un edificio, den cual diferente agrupacionnan lo tin derechi riba nan propio lugar legal, cu atribucion di nan privilegian y oportunidatnan legal.

E presidente nobo a continua, cu sur-Africa ta traha pa tin paz y amistad cu tur pais, "pero nos ta exigi tambe derechi pa nos mes pa dicidi den asuntunan di politica interior di tenerlo cu e deseo expresa pa nos propio votadornan, sia intervencion di "estrangeria".

Presidente Swart a declara di te papia na nomber di tur heridaderu Africano ora el a bisa cu nan desea felicidad pa nos mes y nos yunan, felicidad pa nos paisesnan y tur rasanan y colornan, felicidad pa nos pais den e comunidad di paisesnan.

President Swart a elogia tambe reina Elisabeth di Inglaterra. Nos ta despedi di dje, nos ex-monarca constitucional, un amistad, relacionnan cordial y un aprecio grandi, acompaña di e mas profundo deseo pa propia felicidad di su majestad y di su familia y tambe di e otro paisnan y pueblonan riba cual e ta reina.

Huramento di president Swart

Miles di sur-Africano nan tabata para cu banderanan den nan man den e cayanen di Pretoria ora cu president Swart tabata bai e misa grandi pa presta su huramento.

Den e misa representantenan di tur agrupacionnan di e poblacion Africano tabata presente. Tabatin Africano nan, hendenan di color sear, hendenan di sanger mecla hendenan di India y Chinesnan.

Cu su man riba hijel e ex-gouverneur general a presta su huramento, despues di cual el a bira hefe di estado.

Lucha entre trupan di Gizenga i rebeldenan

BRUSSEL, 31 mei. — Den e lucha entre trupan di gobierno di Gizenga i rebeldenan di Bashi, mas cu ochenta miembro di tribu a perde nan bida, asina e oficina di prensa Belga a anuncia.

E guerreronan aki, cu tin nan territorio di tribu den provincia Kivoo, tabata arma mas parti cu arco y flecha cu punta venenoso. Parce cu un cantidad di pader blanqui, maestronan o colonialistanan a desaparece despues dje bringamento.

Situacion ta fatal na Angola Portuges

NEW YORK, 31 mei. — E grupo di paisnan Africano y Asiatico y tambe sur-Slavi a pidi awe pa un reunion urgente di e consejo di seguridad pa discuti tocante e situacion na e colo-



Den interior di ciudad Amsterdam tin hopi cas bieu cu na temponan estipula mester ser restaura. Asina nos ta mira aqui dos edificio antiguo enfrente di otro i cada un len peligrosamente dilanti, di moda cu pa evita cualquier accidente desagraciable autoridad a larga pone balkinan pa wanta e casnan aqui te ora cu dicidi na tumba nan.

KENNEDY a bai bishita Paris pa tres dia

PARIS, 31 mei — Presidente Kennedy a yega cu avion na Paris awe mainta, pa un bishita di tres dia. E ta worde acompaña pa su senjora Jacqueline. Na su yegada na aeropuerto Orly Kennedy a tene siguiente discurso: „General De Gaulle, miembronan di su gobierno, senjora De Gaulle. Tambe na nomber di mi esposa mi ke gradici p'e acogida calorosa cu nos a hanja. Mi ta bini for di Merca, cu ta yiu di Europa, na Francia cu e amigo di mas bieu di Merca.

Ma hopi tempo prome cu mi pais a nace, ya influencia Frances, filosofia Frances, cultura di Francia tabata eun cu ta domina mundo occidental. Pe notibo aki e prome embahador Mericano na Francia, Benjamin Franklin por a bisa: Tur hende tin dos pais, Francia y nan mei pais.

Ma, mi ne a bini solamente pe mo-

tibo di nos lasonan di antes y nos amistad bieu, ma tambe pa motibo cu e relacionnan actual entre Francia y Merca ta esencial pa mantene paz mundial.

Mi ta bini aki tambe pe grandesa di Francia su mision actual, su productividad di obreronan, su universidatnan brillante y potencia di su lidernan.

Den ultimo siman nan aki ma ricí diferente embahador di paisnan nobo. Hopi di nan ta papia Frances, e idioma di hendenan cu ta goza libertad.

Y pesey general, ta un honor pa bin bishita bo. Ya mas cu 20 anja bo ta un dje luchadornan pa libertad di occidental. Bo fortaleza, bo puesto di dirigi, bo historia nias cu nos ta necesario.

Ya hopi biaha Francia y Merca tabata uni cu otro, pero mi no por imagina mi un asunto mas feliz, cu un union den momento critico di defensa di libertad. Asina presidente Kennedy a bisa.

Presidente De Gaulle a tene un discurso cortico di bienvenida. El a bisa cu semper Mericano nan a bini Francia como amiga y aliadonan.

Na aeropuerto tabatin entre otro presente princesa Radziwill, un rumen muher di senjora Kennedy, senjora De Gaulle, hopi ministro y general Lauris Norstad, hefe supremo Mericano di pacto di organizacion Atlantico. E compania a bai ciudad na auto.

E huespednan Mericano ta keda den ministerio di relaciones exteriores, na unda nan a ser saluda pa mas o menos ocho mil hende ora nan a yega.

Dos ora despues di yegada e presidente Mericano Kennedy y De Gaulle a reuni pa nan prome conversacion riba problemanan mundial.



Pa motivo di viaje

TA BENDE: mueblonan, frigidalre, stoof, machu di lava panja, etc.

TA BENDE: Cas cu cuatro dormitorio en cuerto di erla y jardin grandi.

TA HUUR: Cas cu tres dormitorio y jardin, preferiblemente tumanda aver e mueblonan.

Pa informacion: E. I. RAUSQUIN Rondweg 23, Ostad Tel. 1300.

TEL. 1637 RONDWEG 49

Bloemenhuis ROZENoord

FIESTA DI JUBILEO

Laga un experto haci ho trabao

Petrona & Croes

Dakota - Tel. 1712-1639

PA TUR PLAN DI CONSTRUCCION, BESTEK Y BEGROTING

ACUMULADOR WILHELM HAGEN

pa tur uso.

Boto — auto — motocicleta.

GENERAL STORE

di C. L. Juliao.

Oranjestraat 26

CEMPRO N.V.

Wayacka - tel. 2444

PA TUR BLOKKI Y CABAJETA

CEMENT DI PRIMERA CALIDAD

BOMBARDEO A STOP RIBA BANPADONG

VIENTIANE, 31 mei. — Bombardeos continuo di Pathet Lao contra Banpadong a stop ya ta tres dia caba. Asina a ser anuncia oficialmente na Vientiane, Banpadong, situa na parti sur-este di Xieng Kiang, a ser bombardea constantemente for di dia 10 di mei.

Artilleria di Pathet Lao a tira mas cu dos cien granata.

Ademas ta worde anuncia oficialmente, cu un helicopier cu ta peca pa combustible den e region aki, a hanja desgracia na momento di aterisacion. Tur dos piloto a perde nan bida. Nan ta Mericano.

Un consejero Mericano militar ta gravemente herida, mientras e otro pasajeronan, un Laosiano y un Mericano a hanja herida leve ya ta di tres helicopier Mericano cu ta hanja desgracia na Laos.

Nombracion pa H. W. van Doorn

DEN HAAG, 30 mei. — Mr. H. W. van Doorn, president di e partido catolico Hulandes, lo tuma su retiro como tal pa e bira president di Katholieke Radio-Omroep. Mr. Van Doorn lo baha como president di KVP asina cu nan hanja un sucesor pe, pero mas tarda prome di puli 1962. E ta queda miembro di segunda camara. Mr. Van Doorn ta e prome profano cu ta bira president di RKO. E ta sigui pater drs. E. H. J. van Waesberge. Esaki a ser eligi como provincia di e dominicanan.

Noticia desmenti na Warschau

WARSCHAU, 30 mei. — Na e ministerio Polaco di asuntunan exterior nan a desmenti e noticia segun cual coronel Antoni Alster, subministro di asuntunan interior encarga cu asuntunan di seguridad a hui.

RAU a quibra relacion diplomatico cu Sur-Africa

CAIRO, 30 mei. — Republica Arabi Uni a kibra tur relacionan diplomatico awe cu SurAfrica, asina a ser anuncia oficialmente na Cairo.

Un tifon ta haciendo hopi danjo na Pakistan

DACCA, 30 mei. — Un tifon cu algun biaha a alcanza un velocidad te 110 kilometer pa ora cual a tuma luga huntu cu venenatu di laman, ta haciendo hopi danjo na Pakistan Oriental. E mesun territorio durante e ultimo ocho lunanan a sufri cuater biaha di un tifon causando un total morto di 15.000 persona.

Conferencia pa independencia di West Indie

LONDEN, 30 mei. — Mayan ta cuminsa na Londen un conferencia tocante e futuro relacionan politico di Britis West Indie.

Delegadonan di e diestros islanan di e federacion lo tuma parti na e conferencia. Nan ta calcula cu e deliberacionnan cu e gobierno britanico lo dura por lo menos dos siman. E premier di e federacion, Adams, a declara dialuna anochi na su vegada na Londen cu nan ta spera dificultadnan grandi pasobra na e deliberacionnan na Trinidad nan a evita e puntunan mas importante. Adams ta spera cu despues cu nan hanja independencia di West-Indie, esei lo continua. Segun Adams e independencia mester queda realiza otro anja mei of juni.

A sali un grupo di „Freedom Riders” foi New Orleans

JACKSON, 30 mei. — For di New Orleans den e estado Mericano Louisiana, awe mainta a bolbe sali un grupo di „freedomriders” cu ta consisti di nueve persona. E grupo aki quier atrata di bringa contra discriminacion racial den trennan na Merca. E gruponan anterior tabata haci nan accionnan den bus.

COLEGIO ARUBANO

TOELATINGSEXAMEN OP 13 EN 14 JUNI A.S.

Aanmelding via de Hoofden der MULO-scholen.

Sluitingsdatum 6 juni.

SUCESONAN DURANTE SIMAN DI BUKI

Na cual sigur lo bo kier asisti!

DIAMARS 6 DI JUNI — CENTRO CULTURAL

DECLAMACION DI ALBERT VOGEL

ENTRADA FL. 2.—

DIAHUEBS 8 DI JUNI — BASI RUTI

CHARLA DI JAN DE HARTOG y despues BOEKENMARKT

ENTRADA FL. 2.—

DIASABRA 10 DI JUNI — CENTRO CULTURAL

ULTIMO ANOCHI sigui pa BAILE den STRAND HOTEL

ENTRADA FL. 3.50.

Kaarchi obtenible na: De Wit Stores, Openbare Leeszaal Oranjestad, A. J. J. van Velzen na Seroc Colorado, Srita. W. Schaap, Gen. Maj. De Bruynewijk 18.


Kaarchinan PASSE-PARTOUT FL. 5.—

Miembronan di A.N.V. ta hanja rebaha.

DESPUES DI CADA CUMINDA SENDE UN CORONITAS


E SIGA MAS POPULAR DEN ANTILLAS

DENNIS DE SCHRIK VAN DE BUURT



„Zeg, duurt het nog lang? Ik heb het enorm druk vandaag!”

„Tende, ta dura hopi ainda? Mi ta masha ocupa awe!”



INTERIOR DJE VEHICULO DI ESPACIO RUSSO „WOSTOK” — Rusia tabatin e amabilidad di ofrece e parti interior dje vehiculo di espacio den cual Gagarin a haci su vuelo rond mundo.

CU SCORE DI 3 PA 1 ARUBA JRS A GANA JONG ARUBA

(Di nos redactor deportivo)

Los Azules de Socaturo o debuta den e campeonato 1961 cu un victoria ariba e oncena di Jong Aruba cu anotacion di 3 gol pa 1. Po e veloz oncena di Noord esoki ta nan segunda derrato den mes tanto salida. Folla na e momentonan decisivo ta lora a causa e derrota e bisha aki pa Jong Aruba. Nan lineo delantera o formo otaknan mucho mas peligroso cu esunnan di Aruba Jrs, pero falta di comprende otro mihor y shooting efectivo o haci cu nan na a penetra e gol defendi door di Pupy Diaz mas bisha.

Ya den e segundo minuit di wega Jong Aruba a muestra cu nan a bishad cu un intencion di duna tur leke. Un bon coloco throughpass pa Victor Roza ta laga e defensa di Aruba Jrs. a ras. Pero Roza aunk den nan posicion ta prefera di no shoot y a pasa e bala pa Cheppy Kelly, kenel tambe a delant. Cheppy no a logra decina e bala suficiente y ta perde e bala contra un defensa comarfo. Luego un corner pa Jong Aruba ta wordo gekop di cerca door Ange Perez directamente den maq di keeper. Contra ake di Aruba Jrs tambe a resulta den corner cu facilmente a wordo intercepta door di keeper Nel Frank.

Den di 9 minuit un pase largo pa Cheppy Kelly ta bolbe penetra e defensa di Aruba Jrs. Kelly ta bai so riba gol cu e bala, pero keeper Diaz ta sali oportunamente pa taha e shoot. E bala ta bai cerca Ange Perez kende rapidamente ta shoot, pero Kelly ta bishid para den gol, locual a wordo constata door di referi Toy Hoek. Otro chens di Jong Aruba ta bai perdi ora cu keeper Diaz ta calcula un voortzet malo y e bala ta pasa over di su cabes. Ange Perez ta ricibie y shoot pero e cuero ta pasa dilanti di gol bai sin cu e guin di e otro comanjeronan ta provecha e chens. Atanentan di Aruba Jrs. tras di otro ta cu den e trampa di offside. Otro bisha e shotnan di Luisito Vingal ta sali na banda. Gochi Brion tambe ta busca di anota, pero keeper Frank a garra su shotnen. Otro peligroso atake di J.A. ta wordo forma riba ala robes. E bala ta wordo lanta over di cabes di keeper, pero Ruben Philips ta coloco dilanti di porta di gol pa rechaza e cuero, salvando asina leke por tabata e promer gol di wega. Luego Cheppy Kelly ta kop net over di gol. Sin cu e equilonan ta logra anota e promer 45 minuitnan di wega ta transcurri.

Segundo tempo: Victoria pa Aruba Jrs.

Principio di e parti complementaria a muestra e mes un sistema cu den e promer tempo. Atake rapido y peligroso di Jong Aruba cu siembargo no ta logra culmina den anotacion. Un fuerte shot diagonal di Ange Perez ta pasa peca cu poste bai out. Di otro banda otro atake di Aruba Jrs. ta falla ora cu linksbuiten Gochi Brion su voorzet ta mucho largo.

Den di 17 minuit di wega despues di pasa dos contrario Gochi Brion ta pone hon voorzet cu Luisito Vingal ta contra duro den gol di hopi cerca pa e marcador, traha pa promer bisha e anochi. Score 1-0 pa Aruba Jrs. Y ocho minuit despues otro Aruba Jrs. ta marca gol. E bisha aki door di Chico Rodriguez, kende ta combina bon cu Fon Paula pa penetra e defensa contrario y shot di hopi cerca poniendo e score na 2-0.

Cu mas frecuencia Aruba Jrs. ta bai den atake awor. Algun cambio ta wordo haci den e alineacionnan. Ren Gomez ta drenta pa Tromp y Cecilio Farro pa Cheppy Kelly den Jong Aruba, mienras cu Padu Gomez ta drenta pa Sambo den Aruba Jrs. Den di 35 minuit e hoben Ren Gomez, un hungador di juniors di Jong Aruba, ta anota e unico tanto di su tem ora cu un corner tuma door di Farro ta yega net den su nia despues cu keeper Pupy Diaz a falla den su intento pa intercepta. Facilmente Gomez a schuif e bala den gol pa pone e score 2-1.

Gol number cuatro di e wega ta wordo anota door di mid-wor Luisito Vingal. Un voorzet for di links ta wordo contra fuertemente door di Vingal completamente for di alcance di keeper Frank.

E partido a caba algun minuit despues cu score di 3 pa 1. E ganador a laga un impresion poco convincente.

Den e defensa ta wordo falla mucho bisha cu hugadanan facil, mientras cu ta te despues di halftime a surgi algun bon combinacion den e linea delantera. Pa gana nan proximo conpromiso, diaSabra awor contra di Dakota, e muchanan di Aruba Jrs. lo mester hunga mucho mihor futbol. Jong Aruba tabata falta e finishing touch na su hugadanan.

MARLBORO A SUPERA HEINEKEN'S

(Di nos redactor deportivo)

DiaMars anochi den Lago Sport Park, e novena di Marlboro a obtene su promer triunfo den e campeonato AA di 1961. E triunfo tabata ariba e team di Heineken's. E partido a caba cu anotacion di 10 carrera pa 3 Marlboro a conecta 9 hit y comete 3 error, mientras cu Heineken's a conecta 5 hit y comete 8 error, un cantidad cu ta hopi grandi pa peloteronan di AA.

Pitcher ganador tabata Lionel Wilson. Pa e cerviceceronan a perde Gerald Duinker. Ambos equipo tin awor un gana y un perdi. Zenith tin un triunfo sin derrota y Winston tin un derrota sin triunfo.

Clase "A": Heineken's 11 - Schlitz Giants 1

E equipo clase A di Heineken's a obtene un facil triunfo riba e novena di Schlitz. E Gigantenan di Schlitz a logra un solo carrera mediante tres hit contra di pitcher ganador Sam Jacobs di Heineken's. Cu total di 11 hit e companieronan di Jacobs a respalda su trabao. E erronan tabata 5 pa Giants y 0 pa Heineken's. Maduro tabata e pitcher perdedor pa Schlitz.



PENTECOSTE PRENSA A BAI PISCA NA EVIAN — E hopi cien representantenan di prensa mundial, cu a haci viaje bai Evian pa relata e discusionnan Franco-Algerio a goza durante dje dianan di Pentecostes cu no tabatin reunion dje bunita weer. E grupo di fotografonan a bai pisca den lago di Geneve, na cual ocasion e cameranan no a ser larga na cas. Bo n' por sa nunca...

Asociacion di Antillas discuti den E.E.G.

BRUSSEL, 30 mei. — E conseho di ministro di EEG (comunidad economico Euroco) a declara avera tocante e problema di asociacion di Antillas Neerlandes y Grecia, durante e prome dia di un reunion di dos dia na Brussel.

Dialuna nan a papia tocante asociacion di Antillas, segun un nota dje comision, den cual aan a menciona algun proposicion.

Pa cu e problema mas principal, esia exportacion di petroleo Antillano pa e paisnan di EEG, e comision a

propone pa stipula un limite halto pa importacion di zeta di Antillas, asina esaki por kibra forza di mercado di EEG.

E clausula aki lo no sirbi pa Antillas so pero tambe pa tur otro territorio asocia.

Hulanda si ta contra pa stipula un cierto cantidad di petroleo.

Terroristanan ta activo na Havana

HAVANA, 30 mei. — Despues dje periodo di cuarentena despues di invasion cu a fracas dia 17 di april, terroristanan na Cuba a cuminsa atrobe cu nan accion contra gobierno di Castro. Ya nan a ocasiona tres candela y comete un atentado riba bida dje fiscal di tribunal revolucionario na Havana. Pelayo Fernandez Rubio, kende a exigi castigo di morto contra terroristanan y otro contrarevolucionarionan. Ya ta gi tres bisha cu nan ta comete atentado contra Rubio, pero sin ningun resultado. Candel'a a destrui 2.000 tonelada di tabacu, cual tabata destina pa exportacion. Un otro candela a destrui un teatro di cine na Pinar del Rio, causando herida na cuarenta persona.

CAMPEONATO ANTILLANO DI BRIDGE 1961 PA PAREHA

ORANJESTAD — Bau auspicio di e dos bondnan di bridge na Aruba y Corsow lo cuminsa e week-end venidero e prome campeonato Antillano di bridge pa pareha entre Aruba y Corsow.

E campeonato aki lo consisti di 4 sessionnan di cual e prome dosnan lo wordo hunga diasabra y diadomingo awor den restaurant Trovador na Oranjestad. E dos ultimo partidonan lo wordo hunga dia 1 y 2 juli na Corsow.

For di ambos isla lo participa 8 pareha. E parchanan aki a wordo selecciona durante di e campeonato cu cada isla a tene durante 1961. No ta imposible cu e campeonato aki wordo sigi pa algun partidecan entre e dos bondnan di bridge.

SPAAR E ETIKETNAN



FRIESCHE VLAC BIBLIOTHEEK

Cumpleanjos

Ta celebra su feliz cumpleanjos Angela Geerman y ta ricibi felicitacion di su mama, tata, rumannan Chiehi, Boei, Romana, Sofia, Reina, madrina Francielia Caster, sobrina Silvia Croes, welanan, welanan, tanta y omonan, prima y primonan y demas familia.

Ta celebra su feliz cumpleanjos Maria Epifania Wernet y ta ricibi felicitacion di su mama Agripina, tata Mauricio, 2 wela Johanna Wernet y Clarita Geerman, wela Venancio, tanta y omonan, prima y primonan, madrina Rosa Trausquin, padrino Janchi Koek, muy especial di Carmen Wernet y Petra Wernet.

Ta cumpli su promer ania di feliz existencia e hobenzita Esmeralda Cotilda Tromp y ta ricibi felicitacion di su tata Leonardo, mama Jacinta Tromp, wela Logeno Tromp, wela Luisa Tromp, rumannan Minerva y Humphrey Tromp, tanta Anita Reed, omonan Ubiano, Angel, Juan Tromp, madrina Dora Gomez, padrino Orl'o Tromp y demas familia Tromp, Kelly, especialmente di Mario Kelly.

Tres mil ambte-naar a hanja retiro na Seel

SEUL, 30 mei. — E conseho pa recuperacion na Surcorea a participa cu tres mil ambtenaar a hanja nan retiro pasobra nan no quier a drenta servicio militar. Nan lo no ser reemplaza. E placa aqiti nan lo usa pa bienestar general.



COMO A TI TE GUSTA

E. F. Debrot, Inc.

Agenda

ARUBAANSE COURANT
diariamente cu excepcion di diadomingo
Edita pa:
N.V. ARUBAANSE DRUKKERIJ, 88
UITGEVERD EN PUBLICITEITS MIA
Nassaustraat 88 - Oranjestad, Aruba N.A.
Suscripcion 75.— paga adelanta
Edicion suelta 20 ct.
Telefon 1
1116 Directiva y anuncio
2116 Redaccion y suscripcion
Directeur-boordirecteur: D. Welf
Imprenta na N.V. Drukkerij „De Star“
Edicion suelta obtienbla na 20 cent na:
Union Store, San Nicolas - Bonkhandel
Mariska, Oranjestad - y Cebana Shop,
Aruba Caribbean Hotel.



DISTRIBUTOR
WIMCO
Nassaustraat - Tel. 1399 - 1381
CINE
Diabuebs 1 di juni
DE VEER: 8.30or „Pillow Talk“ 18 J.
RIALTO: 1.00or „The Benny Goodman Story“ 18 J.
PRINCIPAL: 3.00or „Edge of Hell“ 18 J.
AURORA: 7.30or „Alien Drivers“ 18 J.
SAVANETA: 7.30or „Saskatchewan“ 18 J.

PARTERA
Zr. Th. E. Gibbs, Wilhelmijnstraat 22,
Oranjestad, tel. 1353.
Zr. M.E. van der Mark, Rondweg 4, Oranjestad, tel. 1537.

WIT GELE KUIJS
Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic
Hospital San Pedro di Verona tel. 2200

BOTICA DI WARDIA
Oranjestad: BOTICA DEL PUEBLO tel. 1253
San Nicolas: BOTICA SAN LUCAS tel. 5119

POSTSLUITINGEN
Donderdag
Anquilla 15.30; Antigua 15.30; Bonaire 8.30; Canada 8.30; Barranquilla 13.30; Bogota 13.30; Curacao 8.30 en 16.00; Ecuador 15.30; Europa 13.30; Fr. Guiana 15.30; Guadeloupe 15.30; Haiti 15.30; Jamaica 10.00; Martinique 15.30; Mexico 10.00; Montserrat 15.30; Miami Fla. 10.00; New York 8.30; Nevias 16.00; Peru 15.30; Puerto Rico 10.00; Rep. Dominicana 15.30; St. Kitts 16.00; St. Maarten 16.00; Caracas enz. 15.30; Maracaibo 15.30; Virg. Eilandien 15.30; Panama 15.30.

RADIO VICTORIA
Diabuebs 1 di juni
11.00 Apertura
11.15 Novela Cristiana
11.30 Melodias di Merdia
12.00 Ultimas Noticias
12.15 Musica Sacra
12.30 World News
12.45 Organ Memories
1.00 Radio Concert Hall
2.00 The Hearing Room
2.15 Sacred Songs
2.30 The Quiet Hour
2.45 Estudios Musicales
3.15 Melodias del Alma
3.30 Desencadenado
4.00 Musica de Banda
4.15 Ecoman Celestial
4.30 Cafe con Musica
4.45 Waltznan Perito
5.00 Academia del Aire
5.15 Palabranan di Bida
5.30 Interludio Musical
6.00 Ultimas Noticias
6.15 Santa Leo
6.30 Noticias Hulandes
6.40 Musica Classica
7.15 The Bandstand
7.30 Horatio Hornblower
8.00 World News
8.10 Off the Record
8.30 Back to the Bible
9.00 Musical Gems
9.30 Songs in the Night
10.00 World News
10.15 Hymns that Live
10.30 Sign off

KADIO CARACAS
TELEVISION
Jueves 1 de junio
8.55 Patron de Radio Caracas Television
8.57 Informacion sobre los progr. del dia
9.00 Documental
9.30 Senderos de luz
10.00 El Calendario de mama,
10.30 Cosas de Mujeres
11.30 La Perfecta ama de casa
12.00 La C.V.I.R. T.V. informa la nacion
12.05 Su Telenovela FAB
12.25 Snow de Saima
1.30 El imparcial Television
2.00 Punto y aparte
2.30 Club Femenino
3.00 Estudio de Hector Monteverde
3.30 Telefantasia
4.30 Club de los Nietos
5.30 Cine variedades Yukery
6.00 Show de Benny
7.30 El desafio del Hombre
8.00 El Observador Creole
8.15 Su novela Pub-Vorita
8.30 Documental
9.00 La Novela Camay
9.15 Amador Bendayan en T.V.
9.30 Documental
10.00 Actualidad Politica
10.30 Cineprograma
12.00 Patron de Radio Caracas T.V.
Himno Nacional
Locutor de Guardia

GUARANTEED
WASHABLE
Super-Kem-Tone
LATEX WALL PAINT
Lovely New Colors
ARUBA TRADING CO.

INTERRUPCION DI CORRIENTE

En conexcion cu trabaoan necesario, corriente lo wordo interrumpi diabiernes 2 di juni 1961 di 7'or AM te 3'or PM den vecindario di:

Tanki Leendert - Catiri - Shiribana - Modanza Paradera.

N.V. ELECTRICITEIT-MAATSCHAPPIJ „ARUBA“

Pa medio di esaki nos kier gradici sinceramente Dr. Harting, Dr. Nidek y Zustersan di San Pedro Hospital cu di un manera of otro a muntra nan atencion durante enfermedad y morto di nos inolvidable Esposa, Mama, Suegra, Abuela y Bisabuela

DIONISIA FIGAROA

Na number di familia
Figaroa, Dijkhof, Semeleer, Ruiz,
Kelly, De Cuba y Tromp.

PA BO HOLOSNI MULCO
di alta calidad
ACUDI SERCA
RAGHUNATH N.V.

AMOR Y CAPRICHO pa: Tuyuchi

No. 109

America no a drenta gera ainda manera el a spera. El a muri sin cu e tabatin siquiera e satisfaccion di a sa cu su morio tabata na beneficio di Merca.
E no tabatin meser ni di a bini aqiti. Su maneco e famia Fenton a queda asombra ora cu nan a mira Nicolina ta baha trap; bini abao den su overall.
Ora cu Joan a propone suavemente, pa e sosega un poco mas, el a duna masha bot como contesta: „Sosegal Quico ta sirbi mi esei? Nos a bini aqiti pa traha y loque Lloyd a

haci, asina mi tambe ta hac. Ata tur hende ta traha? Cosecha mester ser cohe. Inglaterra a tuma tur cos di Lloyd; indubablemente lo e quier sabi tambe ta quico ami como su esposo lo tini pa duna.“
Wilks a drenta e cuarto na unda Margaret tabata skirbiendo un carta na Tom Fenton. El a hiza cara mira. „Bo tin meser di mi, Wilks?“ el a puntre.
„Tin un senor aqiti cu quier papia cu bo un rato, senjora?“ v bisando asina el a entrega e ama di cas un tarheta forma largu. Margaret a leza e

ROBINHOOD A CONFIRMA VIAHE PA ARUBA

(Di nos redactor deportivo)

Pa participa den e venidero A.S.U. Olimpiada, a wordo invita e campeonnan den futbol di Surinam, Robinhood. Confirmacion a wordo ricibi cablegraficamente door di A.V.B. cu e

oncena campeon di Surinam lo por bin nos isla na fin di otro luna pa hunga dos wega. Esakinan muy probablemente lo ta contra di e actual campeon y subcampeon di Aruba, esta R.C.A. y Estrella.

E dos weganan ta forma parti di e programa di A.S.U. Olimpiada, cual na fin di e luna aki lo wordo tene.



Esaki ta e television i F.M. zender cu a ser inaugura pa Su Mahestad La Reina. Cu esaki lissel a bira mas ricu na un television cu ta un adelanto grandi riba caminda di cultura.

saqui. Poco poco el a schroef e dop di su vulpen y a lanta para.
„Hihe numa den salen, Wilks. Denter di un paar di minuit mi ta cerca dje.“
Wilks a inclina cabes. „Famoso, senjora“. El a bira su mes y a bandon e cuarto.
Margaret a tira un bista mas riba e carta cu cual e tabata ocupa. Tabata d'icel pa invent den palabro loque na e momento el tabata pasa den su interior, pero Tom mester a ser poni na altura di esei y pasobra masha bot Nicolina a yenga di haci esei, automaticamente e tarega aqiti a queda riba skouder di Margaret. El a suspira.
Nicolina su reaccion riba morto di Lloyd tabata masha strango. Margaret a bolbe tuma e tarheta den su man y tabata forma su mes un idea di dje. Probablemente e homber aqiti lo quier a papia cu Nicolina, el a pensa.
Pero lo esaki no quier ricibie; e no quier a ricibi ningun hende. E tarheta a slip for man di Margaret y

a cai cu e letternan abao riba e carta. El a bira su mes y a bandon e cuarto. Roger a lanta para ora cu e muhe a drenta e salon.
„Senjora Fenton?“ el a puntre.
El a camina bai cerca dje.
„Si, mi ta senjora Fenton. Bo tin bondad di tuma un sientro?“
Roger a spera te ora cu e muhe ama di cas tambe a cai sinta y a cai sinta enfrente di dje. A dura algun minuit premie cu e por a cuminsa papia.
Anto el a cuminsa tranquilo:
„Ma caba di wega for Ramsden y ma tende loque a pasa.“
„Tabata un golpe pisa pa nos... Ninea nos no a pensa... Si perso Lloyd tabata un avador, anto nos nor a comprende mas lihe, pero un dokter den un hospital... Bom a rako, un ala dje edificio ho tabata sa esei?“
„Si, nan a conta mi“, el a bisa.
„Tabatin hopi morto?“ e muhe a puntre.
„Nuebe: seis patient, un clero, un verpleegster y Fenton...“

Margaret a seca su wowo cu su man.
„Tabata terrible. Bo viu homber tabatin suerte. E casonan di dokter Beech tabata queda den e otro parti dje edificio, esta esun cu no a sufrir danjo. Mi ta spera cu su salud lo recupera. Un dje ocoman taba a jama tur dia pa b'sa Nicolina di Lloyd, pero foi dia cu Lloyd... Margaret a queda ta mira e homber aqiti curioso. Anto el a puntre lihe:
„Permiti mi puntra ho cu qui intencion h'a b'i aqiti. Basta cu ho no a bini pa bin condoleer Nicolina?“
„Paquico no? Senjora Fenton?“
„Pero ho tin venganza contra dje y Lloyd?“
„Te por a conta bo esei?“ el a puntra.
„No.“
„E anto?“
Roger a queda mira fiho: su cara a desflura, e cara a bira masha trist. „Unda e ta?“ el a puntra diripiente.

Margaret a queda ta mire duru den su cara. Y culmo el a responde:
„E no quier ricibi ho.“
„Paquico no?“ el a puntre.
„E no quier ricibi nagan hende.“
Roger a lanta para y a camina bai den bentana. Margaret a queda ta observe cu atencion. E taba tin un uniform di majoor bistu, cu distine onca lof gera anterior. Diferente bez e tabata asombra over dje famia Ashleigh. Mester tabatin algu serio den e quebra di compromiso entre Nicolina cu ta solamente Lloyd y Nicolina y quizas e homber aqiti por taba sa. E tempo ei e corantnan a skirbi cu e mainta prome cu Nicolina a bandon London el a bai haci un b'ishita na cas di famia Ashleighs. Margaret tabata sa quico a pasa despues. Pero e tabatin gana di tabata sa quico a pasa den cas dje famia Ashleighs mes. Nicolina aurea no a papia over di esei. Ni Lloyd tampoco.
Sin bira su mes Roger a puntra: „Y com el a queda despues dje golpe?“
(E ta sigui)

CISCO KID

1. Boso ta den nos man! Entrega e oro! 2. Nos sali bati tiro? 3. Nos no por. Mi no sa quico ta susta mi mas... e bandidonan of e ratonnan di anochi... 3. Rato di anochi... Si nan a drenta aki, mesier tin un otro salida... mi ta spera cu ta salida grandi!



JUAN EL INTREPIDO

1. Ya e vuelo ta listo!... Cualquier reclamacion lo ser atendi na jegada! 2. Bon dia! Mi ta Opalo Warner, camarera di a bordo! 3. E pasaheronan ta masha contento! Quico bo ta pensa di haci despues cu nos baha na Paris, preciosa! 3. Nos tin orden pa agrada tur pasahero, sr. Solitaire... tambe esnan cu no ta merecel! Esaki ta un banjo di awa friol!



DICK TRACY

1. Y cu su barba afor di e laken! 2. Tur dos a sufrir un shock y un poco cansancio, pero nan ta ok. 3. Ta e coroner y su hendenan. 4. Si busca algo pa kibra e ijs y un sheet di rubber, muchanan.



RIP KIRBY

1. Mi a traha den un fabrica di arma, despues mi a bin bira maestra di school y mi ta sinti mi feliz. 2. Pero claro, srta. Lamont, cu lo bo no bay laga Speed Harvey keda cu bo fortuna. 3. Ta un anochi pa secreto y lo mi conta bo e otro... 3. No ta keda un cent! Casi lo tabata vale la pena pa regresa pa mira cara di Speed ora e hanja sa...



EL PRECIO DEL TRIUNFO

1. Sra. Boswor, mi a caba di tene un rumor den e hospital! Dr. Bomier di Paris... Si ta verdad, Lalot! 2. E la kibra un pols! Aki, Dr. Mueller, ta bay opera Jessica manjan! 3. Y mi tin plena confianza den diel! Mi mesier tin! Danki, senjora!



EL DIARIO DE UNA VIDA

1. Anio... bo ta declara mi? 2. Declara? esaki... mi no quier a... mi quier meen... si mi ta stima bo, Tula! Mi quier casa cu bo y... 2. Papi awor, amor... pasobra mi ta presentu cu nos bida ta bay bira un monologo... di mi pa bol!



PEPITA

1. Pepita! Tira e jabi ingles pa mi! O.K., querido! 2. Pepita no sa nada di hermen... mientras... lo e tira lo que no ta jabi ingles. 3. Mi ta spera cu esey lo ta jabi ingles... 4. Pero, por si acaso e no ta, ata un otro!



Suspension di estado sitio na Montgomery

MONTGOMERY, 30 mei. — E estado di sitio cu a ser proclama pa Montgomery a keda suspende. Gobernador Patterson di Alabama a declara cu e guardia nacional cu el a pone bao di arma sima pasa, despues cu blancun a ataca un misa cambia tabata hendenan di color sear, a muestra frontera di mundo cu Alabama mes por mantene orden, sin yudanza di unidatnan federal.

Tribunal di Jackson a condena diez siec "freedom riders" dialuna pa paga 99 dollar di boet y castigo di prision condicional di seis luna, pasobra nan a viola orden publico.

E ministro Mericano pa husticia, Robert Kennedy a duna encargo na comision cu mesier pereira pa trafico di comercio entre estadonan Mericano, pa proyecta un arreglo mas pronto posible, cual ta stipula cu den wachikamers, localnan di fiesta, restaurant di stacionnan cu mesier worde usa pa trafico menciona, nan no aplica discriminacion di raza.

Un pregunta di "Evening News"

CCRA, 30 mei. — Evening News, e organo di e partido popular di convencion na Ghana cu actualmente ta na poder, a haci e pregunta si no ta posible pa excludi Gran Bretania for di mancomunidad Britanica. Esaki en consecuencia cu actitud di e pais pa cu Angola.

Experiencianan di A.A.

Nos relacion cu otro institucionnan

Miembronan di e sociedad Alcoholic Anonymous tin solamente un obhetu "di juda otro alcoholiconan hanja y mantene sobriedad siguiendo e programa di recobro di AA". AA no ta ocupa su mes cu investigacion of actividad educacional. Como un hermandad nos ta coopera (pero nunca afilia) cu otro entidadnan publica of priva cu tin interes den e problema di alcoholismo. Experiencianan di AA ta temper gratuitamente disponibel pa tur esnan cu buske — pa negociacion, lidernan espiritual, gruponan civico, oficialnan di ley, personalnan di salubridad y bienestar, educadornan, autoridatnan institucional y hopi otro. Pero nunca nos sociedad ta sanciona ni afilia su mes ni expresa su opinion riba programanan di otro hende cu ta den e campanja contra alcoholismo.

Inevitablemente AA lo a jega Corson algun dia, pero nos di Ever Blooming Green ta agradecido na e turista Americano cu a trese AA pa nos na fin di anja 1955. Na septem-

Our special cake of the week is:

ORANGE-LAYER CAKE Fl. 5.—

Delicious Pies a weekend treat for your family


Special fresh Cream-Cake each week Fl. 6.50

ROYAL BAKERY
Tel. 1327
Oranjestad

RAINBO BAKERY
Tel. 5064
San Nicolas


HOROSCOOP

ARIANUS (1 Maart — 21 April)



Bo por traha planan awe pa dianan siguiente cu ta bini. Bo ideanan ta bon.

TAURINUS (21 April — 21 Mei)




Bo mesier haci hopi pa bo mehora relacion cu publico of miembronan di sexo debil.

GERMINUS (22 Mei — 21 Juni)




Tur cos ta bai bon, conta cu bo concentra bo riba asunto actual.

CANCER (22 Juni — 23 Juli)



Pone atencion principalmente na cosnan interesante, pasobra t'e por bini bruha-cion.

LEON (24 Juli — 23 Augustus)




Sea awa y no confia mucho riba otro. Nan por larga bo desengaña. Sea alerta.

VIRGO (24 Augustus — 23 September)




Bo por aumente pa bo merita y conquista propiedad. Confia semper den porvenir.

LIBRA (24 September — 23 October)



Mucho temperamento por bira awe un factor estorban. Trata na warda bo manera calmo.

SCORPIO (24 October — 22 November)



Awe ta posble pa nos algun desarollonan desagradable contra otro. Stima bo prohimo.

SAGITTARIUS (23 November — 22 December)



Tur ta asunto nan di amor y matrimonio ta para awe bao di masha bon aspecto.

CAPRICORNUS (22 December — 20 Januari)




Cuida den trafico rapido, principalmente prome cu merdia. Trata di no danja bo bon bisi.

ACUARIUS (21 Januari — 19 Februar)



Relacion cu otro nan poco poco lo por mehora, principalmente ora bini enfrimamiento.

PISCES (20 Februar — 20 Maart)



Awe no ta un dia bon pa bo forza bo influencia den un cierto direccion. No gasta placa.



Riba e portret aki bo ta mira Nestor y Norma riba dia di nan compromiso. Nan no tin tempo pa ningun hende.

Norma lo bira senjora Zavarce

Dia 9 di mei cu a pasa Nestor Zavarce a sali bon tempran for di Caracas den aeroplano en direccion Barquisimeto. Aya na vliegvelde tabata spera le Norma acompaña di su familiar. E recibimiento tabata friu probablemente pa motivo di tur e mironesnan cu tabata presenta un sunchi no a cal.

Tabatin mesier di tres auto pa transporta Norma y su familiar cu a bini vliegvelde pa topa Nestor.

Legando cas promer cos cu e worde haci ta cu Nestor y mayornan di Norma a bota un banda na nan ombra. Bosnan mes lo por comprende cu eyan ta un pidimento di man lo tabatin.

Y esey tabata di acuerdo di tur dos banda, pasobra no a dura mucho cu e worde sirbi un copa di champagne na felicidad di e futuro esposonan. E mayornan a bira tanto nan jiu muher como Nestor mientras tanto e 5 rumanan di Norma tabata spera impacientemente pa felicita nan ruman.

Norma lo bira senjora Zavarce

Norma ta un nombre y un forma. Norma de tus ojos grises es el mirar con matizes esa es la norma de Norma.

Quando yo te conocí sentí latir en mi pecho como loco frenesí este amor que por ti siento.

Quiero que siempre recuerdes que por muy lejos que estés mi alma estará contigo y nunca te olvidaré.

Siendo Norma a declara su amor pa Nestor cu e camina di siguiente manera. Ela bini un bisho pa Caracas y nunca ela pensa en lo e bai topa cu amor. Ela namora di Nestor di un forma integral sin basta detalla. Mi promer impresion ora mi a wele, promer bisho ta di admiracion, marion natural fumando na cuenta en e ta un idolo. Mi ta decidida na apoye cu tur mi forza den su carrera artistica y brindele mi mas completa comprenimiento. Jaleos lo no interumpi na nada amke en un hende a jega di bira cu un amor sin jaleos ta manera un lamar sin pisca y sin ola.

Brasil no a manda representante Cairo

RIO DI JANEIRO, 30 mei. — Brasil no a manda representacion na e conferencia di paisnan neutralista, cual ta ser tene na Cairo. Esaki e ministerio di asuntunan exterior a participa. Si Brasil lo manda un observador na e conferencia preparativo dia cinco di juni proximo.